

ԲԱՆԿԱՅԻՆ ՀԱՇՎԻ ՊԱՅՄԱՆԱԳԻՐ

« _____ » Բ.

վայրը _____,

կազմակերպության անվանումը կամ ֆիզիկական անձի ազգանունը, անունը, հասցեն, անձնագրի տվյալները
այսուհետ՝ «Բանկ», ի դեմս՝ _____, որը գործում է _____
ազգանունը, անունը, պաշտոնը

հիման վրա, մի կողմից, և _____,
կազմակերպության անվանումը կամ ֆիզիկական անձի ազգանունը, անունը, հասցեն, անձնագրի տվյալները
այսուհետ՝ «Հաճախորդ», ի դեմս՝ _____, որը գործում է _____
ազգանունը, անունը, պաշտոնը
հիման վրա, մյուս կողմից, կնքեցին սույն պայմանագիրը հետևյալի մասին:

1. Պայմանագրի առարկան

1.1. Սույն պայմանագրով՝ Բանկը պարտավորվում է Հաճախորդի անունով բացել հաշիվ և այդ հաշվին մուտքագրել ստացվող դրամական միջոցները, հաշվից կատարել փոխանցումներ և բանկային այլ գործառնություններ:

1.2. Հաճախորդը բոլոր գործարքները կատարում է օրենքով սահմանված կարգով, դրան համապատասխան բանկային կանոններով ու բանկային հաշվի պայմանագրով նախատեսված փաստաթղթերը բանկին ներկայացնելու միջոցով:

1.3. Բանկն իրավունք չունի որոշել և վերահսկել Հաճախորդի դրամական միջոցների օգտագործման ուղղությունները կամ սահմանել օրենքով կամ բանկային հաշվի պայմանագրով նախատեսված այլ սահմանափակումներ՝ իր դրամական միջոցները սեփական հայեցողությամբ տնօրինելու նրա իրավունքների նկատմամբ:

1.4. _____ ժամկետում Հաճախորդին տեղեկացնել նրա հաշվով կատարված հաշվանցի մասին՝ Բանկի կողմից հաշվի վարկավորման, Բանկի ծառայությունների համար վճարի, Հաճախորդի դրամական միջոցների օգտագործման առնչությամբ:

1.5. Հաշվում եղած դրամական միջոցները տնօրինելու Հաճախորդի իրավունքը չի թույլատրվում սահմանափակել, բացի օրենքով նախատեսված դեպքերի:

2. Կողմերի իրավունքները և պարտականությունները

2.1. Բանկն իրավունք ունի՝

2.1.1. իր ծառայությունների համար վճարը վերցնել Հաճախորդի հաշվում եղած միջոցներից՝ յուրաքանչյուր գործարքի ավարտից հետո.

2.1.2. դատարան հայց ներկայացնել սույն պայմանագիրը լուծարելու մասին, եթե՝

2.1.2.1. Հաճախորդի հաշվում պահվող դրամական միջոցների գումարը պակաս է բանկային կանոններով նախատեսված նվազագույն չափից, և մնան գումարը չի վերականգնվել այդ մասին Բանկի գույշացման օրվանից _____ ընթացքում.

2.1.2.2. _____ ընթացքում տվյալ հաշվով գործառնություններ չեն կատարվել:

2.2. Բանկը պարտավոր է՝

2.2.1. բանկային հաշվի պայմանագիր կնքել Հաճախորդի հետ, եթե Հաճախորդն առաջարկել է հաշիվ բացել տվյալ տեսակի հաշիվների համար Բանկի հայտարարած պայմաններով, որոնք համապատասխանում են օրենքի պահանջներին և դրան համապատասխան ընդունված բանկային կանոններին.

2.2.2. Հաճախորդի համար հաշվարկային հաշիվ բացել այդ հաշիվը բացելու համար փաստաթղթերը ներկայացնելու օրվանից սկսած _____ բանկային օրվա ընթացքում.

2.2.3. Հաճախորդի հաշվին մուտք եղած դրամական միջոցները մուտքագրել ոչ ուշ, քան համապատասխան վճարային փաստաթուղթը Բանկ մուտք լինելու հաջորդ օրը.

2.2.4. Հաճախորդի կարգադրությամբ՝ երրորդ անձանց պահանջով դրամական միջոցներ դուրս գրել հաշվից, եթե կարգադրության մեջ նշված են անհրաժեշտ տվյալներ, որոնք հնարավորություն են ընձեռում Բանկին՝ համապատասխան պահանջ ներկայացնելիս մույնացնել մնան պահանջի իրավունք ունեցող անձին.

2.2.5. Հաճախորդի կարգադրությամբ գործարքներ կատարել ոչ ուշ, քան համապատասխան փաստաթուղթը Բանկ մուտք լինելու հաջորդ օրը.

2.2.6. Հաճախորդի համար կատարել նրա հաշվի տեսակի համար օրենքով և դրան համապատասխան սահմանված բանկային կանոններով ու բանկային գործունեության մեջ կիրառվող գործարար շրջանառության սովորույթներով նախատեսված գործառնություններ.

2.2.7. Հաճախորդի հաշվում գտնվող դրամական միջոցներից օգտվելու համար յուրաքանչյուր եռամսյակի ավարտից հետո, Հաճախորդին վճարել նրա հաշվին գտնվող դրամական միջոցների _____ (_____) տոկոսի չափով գումար, որը _____ (_____) օրվա ընթացքում պետք է մուտքագրվի Հաճախորդի հաշվարկային հաշվում.

2.2.8. հաշվանց կատարելուց հետո _____ բանկային օրվա ընթացքում, Հաճախորդին տեղեկացնել կատարված հաշվանցի մասին.

2.2.9. երաշխավորել հաշվի, հաշվով գործառնությունների և Հաճախորդի մասին տեղեկությունների գաղտնիությունը և մնալ տեղեկություններ տրամադրել միայն Հաճախորդին և նրա լիազոր ներկայացուցչին:

Պետական մարմիններին և դրանց պաշտոնատար անձանց մնալ տեղեկություններ կարող են տրամադրվել բացառապես օրենքով նախատեսված դեպքերում:

2.3. Հաճախորդն իրավունք ունի՝

2.3.1. Բանկի կողմից բանկային հաշվի պայմանագիր կնքելուց անհիմն խուսափելու դեպքում, Բանկ ներկայացնել ՀՀ քաղաքացիական օրենսգրքի 461 հոդվածով սահմանված պահանջներ.

2.3.2. կարգադրել Բանկին իր հաշվից դրամական միջոցներ դուրս գրել երրորդ անձանց.

2.3.3. բանկային գաղտնիք համարվող տեղեկությունները Բանկի կողմից իրապարակվելու դեպքում Բանկից պահանջել պատճառված վնասների հատուցում.

2.3.4. ցանկացած ժամանակ լուծարել սույն պայմանագիրը:

2.4. Հաճախորդը պարտավոր է՝

2.4.1. երրորդ անձանց պահանջով իր հաշվին դրամական միջոցներ դուրս գրելու կարգադրություններում նշել

անհրաժեշտ տվյալներ, որոնք հնարավորություն կընձեռեն համապատասխան պահանջը ներկայացնելիս մույնացնել մնացած պահանջի իրավունք ունեցող այլ անձին:

2.4.2. վճարել Բանկին՝ նրա կատարած ծառայությունների համար:

3. Հաշվից դրամական միջոցներ դուրս գրելու հերթականությունը

3.1. Հաշվում դրամական միջոցների առկայության դեպքում, որոնց գումարը բավարար է հաշվին ներկայացված բոլոր պահանջները բավարարելու համար, այդ միջոցները դուրս են գրվում Հաճախորդի կարգադրությունները և դուրսգրման այլ փաստաթղթերը մուտք լինելու հաջորդականությամբ (օրացուցային հաջորդականությամբ):

3.2. Հաճախորդի կարգադրությունները և նրան ներկայացված բոլոր պահանջները բավարարելու համար հաշվում դրամական միջոցների անբավարարվածության դեպքում դրամական միջոցները դուրս են գրվում հետևյալ հաջորդականությամբ՝

3.2.1. կյանքին կամ առողջությանը պատճառված վնասի հետ կապված, ինչպես նաև ալիմենտներ բռնագանձելու վերաբերյալ պահանջները բավարարելու համար կատարողական փաստաթղթով նախատեսված դրամական միջոցների փոխանցումները կամ վճարումները:

3.2.2. աշխատանքային պայմանագրով աշխատող անձանց, արձակման նպաստների, աշխատավարձի և հեղինակային պայմանագրերով վարձատրության վճարումների հաշվարկների համար կատարողական փաստաթղթով նախատեսված դրամական միջոցների փոխանցումները կամ վճարումները:

3.2.3. վճարային փաստաթղթերով պետական բյուջե և համայնքային բյուջեներ կատարվող վճարները:

3.2.4. կատարողական փաստաթղթով նախատեսված այլ դրամական պահանջները բավարարելու համար վճարները:

3.2.5. այլ փաստաթղթերով վճարները՝ ըստ դրանց ներկայացման օրացուցային հաջորդականության:

4. Կողմերի պատասխանատվությունը

4.1. Հաճախորդի անումով մուտք եղած դրամական միջոցները նրա հաշվին ժամանակին չմուտքագրելու կամ դրանք նրա հաշվից անհիմն դուրս գրելու, ինչպես նաև դրամական միջոցները փոխանցելու կամ դրանք վճարելու մասին ցուցումները չկատարելու կամ անպատշաճ կատարելու դեպքում Բանկը պարտավոր է այդ գումարից տուկոսներ վճարել Հաճախորդին՝ ՀՀ քաղաքացիական օրենսգրքի 411 հոդվածով նախատեսված կարգով և չափով:

4.2. Սույն պայմանագրով չնախատեսված դեպքերում Կողմերն իրենց պարտավորությունները չկատարելու կամ անպատշաճ կատարելու համար պատասխանատվություն են կրում ՀՀ օրենսդրությամբ սահմանված կարգով:

5. Անհաղթահարելի ուժի ազդեցությունը (ՖՈՐՍ-ՄԱԺՈՐ)

Սույն պայմանագրով պարտավորություններն ամբողջությամբ կամ մասնակիորեն չկատարելու համար կողմերն ազատվում են պատասխանատվությունից, եթե դա եղել է անհաղթահարելի ուժի ազդեցության արդյունք, որը ծագել է սույն պայմանագիրը կնքելուց հետո, և որը կողմերը չէին կարող կանխատեսել կամ կանխարգելել: Այդպիսի իրավիճակներ են երկրաշարժը, ջրհեղեղը, պատերազմը, ռազմական և արտակարգ դրության հայտարարումը, քաղաքական հուզումները, գործադուլները, հաղորդակցության միջոցների աշխատանքի դադարեցումը, պետական մարմինների ակտերը և այլն, որոնք անհնարին են դարձնում սույն պայմանագրով սահմանված պարտավորությունների կատարումը: Եթե անհաղթահարելի ուժի ազդեցությունը շարունակվում է 3 (երեք) ամսից ավելի, ապա կողմերից յուրաքանչյուրն իրավունք ունի լուծարել պայմանագիրը՝ այդ մասին նախապես տեղյակ պահելով մյուս կողմին:

6. Վեճերի լուծման կարգը

Սույն պայմանագրի կապակցությամբ ծագած վեճերը լուծվում են բանակցությունների միջոցով: Համաձայնություն ձեռք չբերելու դեպքում վեճերի լուծումը հանձնվում է դատարանի քննությանը:

7. Այլ պայմաններ

Սույն պայմանագիրը կնքված է հայերեն լեզվով, երկու օրինակից, որոնք ունեն հավասարազոր իրավաբանական ուժ: Յուրաքանչյուր կողմին տրվում է մեկական օրինակ:

8. Կողմերի հասցեները, բանկային և վավերապայմանները և ստորագրությունները

Բանկ

Հաճախորդ

ստորագրություն

ստորագրություն